



豐對樓詩選目錄卷第三

五言古詩

廣陵陳大科手校共得一百二十九首標為二卷入梓

讀史三首

擬古五首送周使君國雍赴南曹

擬與子結綢繆

擬枉駕惠前綏

擬遺我一端綺

擬行人難久留

擬皓首以為期

擬青槐金陵陌送沈稚休秋賦

賦得白日照吳戈

賦得明月照積雪

明月照流黃

淮水日夜流

泊西陵江口

七里灘

南越

發巖鎮蔣生客次赴黃山三首

庚午孟春日汪開府伯玉暨群從仲蔚仲淹仲

嘉吳氏仲足仲圭南榮尋討山谷盤桓久之

因述旅懷以示 怪松篇與伯玉同詠

閩中山行

建溪行

張大司馬茂嶼莊雜詠四首

武陵莊雜詠四首

三江亭瞻眺

版障嶺眺望

望南雷懷謝居士遺像

眺大蘭山遙寄劉仙伯常

遙望樊榭

度錯愕嶺

觀徐鳧巖瀑布

游隱潭作

登妙高臺遠矚

荆溪夜行呈朱邦憲

攜李道中

雲間沈大參園晚霽主人携酒作

為王青州元美進士敬美題雜資園

徐記室新居記事

遊北溪古社社前松栢俱數百年物友人携酒

至酌魏娘墓上

裕溪河口出大江對梁山作

淮上送魏季朗還吳 淮上送別孫兆孺

淮上歲晏書懷分盡字

淮上留別張羽王 留別陳淮安玉叔

由揚至淮何鴻臚枉詩相眷賦答

呂仲氏奉芳亭晚集得萬字

遊寶巖寺 齊女墩

拜子游墓

與黃山人孔昭林太守登鄉登狼山支雲塔

青陽館賦喜雨得節字

已卯夏四月廿有七日客藍官期與謝道化錢

淵父釋戒袈觀海遊秦駐山未發而語溪呂

心文胡新之朱思緝至遂同往焉已而淵父

邀諸公夜過天寧寺酌諸公過而淵父又以

事徃樵李矣不佞與諸公惟飲竟醉醒而述

之以貽諸公嗣響

予遊於吳令傅伯俊父將去歸復有延陵之役

賦詩敘別

再別伯俊

秋分日同毛豹孫錢功父吳叔嘉集張孟彪仲

虎宅分時字

登吳江東寺方塔呈徐令公善長

浮梁縣至初門灘上作

汪氏二仲携樽箕臺聽松醉過肅園看梅花作

瓊樹軒為吳伯期賦次次父韻

吳無懷氏仲圭者入黃山采藥因得紫黃碧三

蘭花寄聲乞詩賦此篇報之

吳江客舍適戚少保見過喜而有作

豐登對樓詩選卷第三

甬句東沈明臣嘉則父著

從子沈九疇箕仲氏選

五言古詩

讀史三首

晉侯老歸國功成賞從亡介子不言祿祿亦無所將

柰何二三子貪天為己功叶龍既處深淵蛇各獲所

藏一蛇自乾死毋亦願同行非不榮爵祿君難臣所

當異哉舟之僑行歌激清商嗟嗟綿上田春風草茫

茫年年寒食節黃鳥以悲傷

豐華樓詩選 卷三 一
虞卿畫趙謀豈後樓緩智虞卿何如人嗟嗟魏無忌
白璧取不難知人良不易秋風厲函關白日寒照地
相印猶可捐窮交何可棄間行亡大梁誰憐著書意
百錢足自娛閉肆授老子知是下簾時山青夕陽紫
後世百代人一時天下士兩龔雖楚賢吊者謂天死
薰焚膏自銷旨哉誰云此

擬古五首送周使君國雍赴南曹

擬與子結綢繆

與子結綢繆願言膠漆固膠漆有時渝中心怛以愬
鴛鴦成匹雙飛鳴自相顧若若青楊枝倏忽沾白露

白露侵羅衣美人美如故悲哉長相思皓月鑒情慤

擬枉駕惠前綏

枉駕惠前綏遙遙遵廣陌鳴騶揚素旌里巷相辟易
顧我田隴間衡門卷空席晤言當告誰斯誼久已息
吐握白屋人姬公亮難匹

擬遺我一端綺

遺我一端綺言出鮫人室素絲欺秋霜黃紋奪朝日
雲霞錯流輝山川緯瑤質火鼠不為珍水蠶吐難匹
裁縫被我體坐以彈朱瑟

擬行人難久留

行人難久留去去不得緩西指三吳疆長風大帆滿
江介青天遙窮陬白日短踟躕路側憂心怒難寤
何以寫鬱紆抽絲托湘管

擬皓首以為期

皓首以為期纏綿無終息大化速推移寒暄易淪忒
百卉滋春露燁如渥丹色忽被秋霜侵颯烏焜黃逼
萬物皆已然寸陰當自惜勿憚歌者勞行行須努力
努力將何如旂常炳功德

擬青槐金陵陌送沈稚休秋賦

青槐金陵陌香風散羅綺縱橫引川流前後分朝市

長街亘如弦短術紛若蟻甲觀聳層霄朱門夾流水
翠蓋擁道周青雲匝地紀朱雀與烏衣仍為卿相里
公子騁豪奢出入王侯第俠邪逢麗人為惟傾骨髓
知君守寒素無意車服羨塵戟收棘闈香名貫人耳
庶慰白髮心先物當手取

賦得白日照吳戈

白日照吳戈青天濺丹血寃語不可聞寃魂向誰雪
入地成野燐千年永難滅趙坑平地起秦屠當時發
不知黃天意何用此酷烈肇亂者為何司命罔昭啓
牧者饑牛羊牛羊觸而啣御人箠騏驥亦踣躓

江湖雖浩蕩無風豈掀揭巖巒固傾欹雷震乃崩壓
吾欲扣帝閣狎狎守雙闕吾欲訴蒼昊何由上虹霓
兀坐淚淫淫擗管氣填咽

賦得明月照積雪

明月照積雪冰壺湛清輝晶晶玉宇是晃晃瑤宮非
遊人驟驩集宿鳥翻驚飛金陵六代往白下千門歸
同心設芳燕玉屑交霏霏綢繆愛良夜蘭蕙相因依
矧弛金吾禁優游正王畿祇憐玉樹曲何用賦無衣

明月照流黃

明月照流黃空憐獨下牀淚添花上雨恨積草頭霜

有緒紫連理絨情織鳳皇眼前迷漢壘夢裡度遼陽
素練雖頻搗迴文莫寄將鴛央未成匹斷妾九迴腸

淮水日夜流

淮水日夜流濺濺感行客行客維故鄉躊躇復悽惻
豈無梁肉羞故有恒饑色朝矐荆山青暮怨楚雲白
雲山改觀眎義轡無停跡霜葉殞焜黃露草銷寒碧
孤獸懷匹雙羈禽戀歸翼旅館愴嚴霄閨心悲永夕
形影滯方隅魂夢歸遙昔粵溟東冥遙奮飛鳥絲得

泊西陵江口

夜泊西陵關江平月如練天空水氣收萬狀殊可見

歷歷海門山青浮一痕線微茫不盡處恐是桑田變
隔水靜吳峯寒波濕宮殿四顧無人聲開篷坐相眷
風吹白苧裳露下沾團扇撫景彈清絲長魚立波面
老龍眠不深時將鼓雷電倏忽潮聲來長年始言便
挨柁駕長風帆開疾如箭

七里灘

朱明泛桐江江深晝無暑方舟蕩中流微風縠紋起
稍稍帆行遲坐入圖畫裏青山故相邀白鳥澹容與
流景快我前夕陽下西嶺弭楫嚴陵灘風清釣臺迥
况我平生懷瞻望頗延頸山黑不可登庸容事心省

露坐明月生孤光動江影

南越

行行南越中好景玩不足原野頗夷曠山川復繆緝
波澄天鏡平柔風蕩醞醖雲日遙晴陰山光互青綠
谿腥過鷓鴣天淨飛屬玉帆底坐題詩高吟應空谷
發巖鎮蔣生客次赴黃山三首

侵晨理行篋寒裳事籃輿行行歷墟井寒翠生衣裾
高春過潛口村巷多踟躕西北指前路一徑當山隅
峭壁攢紫霧蒼莽浮雲舒淙淙深澗水遠近聲與俱
十月霜未降林葉青黃踈午作酒家餉炊煙薄茅居

盤桓青溪曲鑿影驚遊魚飯罷復去去漸上青雲梯
脩嶺頗登頓層岡轉崎嶇千盤入無路倏忽逢坦途
人煙小成市樵牧皆自如

暝投山市煙託宿尋蔣詡弄影向前溪霜清月如水
命駕入黃山旦日須早起爲余製短策童冠偕儔侶
出門即重岡遙岑眼前哆迴溪紫雲端陡嶺青霞岬
揭厲屢停輿攀躋每勞揮紫翠復遐征目力窮巖旒
日夕向孤村主人肅賓禮醉眠山館中湍聲枕前止

明晨入西岡山勢反舒緩顧見黃山塞蕭條立荒陬
野廟祀浮丘空壇草花滿列嶂怒唘岬群峯插天斷
迤邐湯泉口天都緬相眄鐵光射寒暄五色頗流眩
斷齧破混茫嶽巖蝕苔蘚崩崖續斷岡迴巒縮重巘
高下互糾纏峰紋細難辨攢攢紫翠叢紛紛蒼壁剪
仰睇窮九霄登陟盤百轉俯首歷磴滑躡雲躬自軀
言念容成子胎息煉玄纂致勤萬乘尊一旦捐玉饌
吾生亦何爲跼蹐徒中喘濯腸砂水溫豁目丹峰瑒
柰何塵凡骨永謝軒轅輦

庚午孟春日汪開府伯玉暨群從仲蔚仲淹仲
嘉吳氏仲足仲圭南榮尋討山谷盤桓久之
因述旅懷以示

吹萬何網緼春山澹無色烟莽百卉肥條滋膩春碧
歲星指孟姬良辰攝提格造化不我待寒暄迤相迫
玄化幹洪陶萬象布陽德飛鳴各有情欲止不可得
羈懷空鬱紆招邀出阡陌憇息嘉樹陰杖策長林側
藉草傾壺觴高岡屢登陟天地曠無垠山川渺睽隔
遊子懷故都所樂匪終適歸鳥投夕林空羨寧風翼

怪松篇與伯玉同詠

怪松矯飛騰詭異獻百伎遺落此空山閱世幾興替
下有陳人墳歲月不可記高標拉蒼旻卑枝插黃地
橫梁駕春霓或洞豁雙柱宛闢仙人扉搏鬪潛虬戲

龍骨蛟以呀霜剝蛇鱗碎盤拏攫風雲屈曲孰陶鑄
朗月墮天風明珠頷中據緬懷古昔人樹此歷千禩
既捐孤生悲永謝秦封事淵藏琥珀深陰連女蘿翳
顧余丘壑姿偃蹇慚肖似願言結綢繆重申後凋志

閩中山行

侵晨戒征車嵐光客衣滿湍瀨喧月涼袞聲逐風斷
路險人力罷山高日來緩尊也叱馭前九圻陽碩返
嗟余謝君親驅馳自慚赧盈盈渡清溪竹樹湛若澣
妙景娛耳目憂心稍為短

建溪行

日行雖未休峻坂辭登頓乘舟下激湍名溪古云建
一里九作灘五步三成堰齒齒石齧沙離離星撒漢
飛丹紅壁撐削鐵蒼崖獻巖嶂勢若爭奔騫理何遜
水田疊崇阿餘土無尺寸淺流碧縵空澄潭借光嫩
旅情何以抒睠滋破孤悶

張大司馬茂與莊雜詠四首

撰轡頓谷口為園控湖漭空亭宅夷曠諸山四週陳
紛紜各有獻迴合成比鄰瑤華布芳席青雲錯重茵
岡隴斷以續巖岫披若紛日嶠炳明晰風林蕩氛昏
天地徃已古日月來則新品陟有餘論疇能拾遺珍

謝傳徒泛海拾遺空賦秦何如宗生曠卧遊任真

仙人竟何棲白雲以為衙芙蓉抗池館素絢將焉加

青天作藩籬時邀萼綠華臨軒解瑤珮注想一何遐

玉壺飲沆瀣雕盤飯桃花昔焉固溟渤滿地今桑麻

白石煮綠髓縞裳披丹霞羨門終無術瀛壖詎有涯

兔宮乏月杵牛渚虛星槎達士秉微尚于焉息

紛擊

采珠須紺海種玉須藍田伊誰停碧浴凌空躡飛煙

手捫日月表身陟崔嵬顛青天罩四面灑氣流八埏

几席走奔霧簷端度翔鳶欲乘列子御似執羲和鞭

鸞鶴倏以後鳳凰不能前羈勒莫我守微繩莫我攣

逍遙遊方外始覺猶龍賢愚者習世網絕最談折
暎茲佳山水曠矚吾何之迴溪麗重構登擊收衆奇
雲霞互興滅晨夕恒自怡崇山疊巘嶸復嶂相糾維
綠縹灌莽集青錦豐苔滋丹壁喜奔峭華蓋詫敵垂
敷榮媚心目歲蕤飭光儀生態極萬品巧繪當誰施
四序異觀化一一供我須金三信非寶殉者竟胡為

武陵莊雜詠四首

華館敞綠野脩篁壓崇垣翳然冢水木青雲永為樊
感時願偃息古道終龍蟠調膳酥玉屑酌醴輟乳源
被服豈不佳結束唯荷荃冲襟迺往古默默誰為宣

川容澹漾漾山貌古蒼蒼閱世幾千禩新故理亦常
去者已莫逆達者斯稱良醉卧竹林下仰觀星宿行
黃冠冒我髮白苧裁我裳高天但明月空陂湛流
鬢鬢石蒙頭斷齧山露齒侈放金谷園清占祇陀里
池館錯紛敷神仙自栖只丹梯引木末清泉陰巖底
吹玉招赤松緘書訊黃綺無事但鳴絃清商雜徵流
通川繞清渠淺流激幽石乳麋漸生茸秦鶴已成翮
新術無垢氛故宇忻掃滌永懷立壑心躬將課農織
晨策凌丹丘夕歸厭紫陌忽枉巖中篇貞心唯黍稷

三江亭矚眺

豐登桂詩選 卷三 九
徼海極東。陞崇城委。紛矚瞭然。樹靈曦扶。桑冒天綠。
近睹餘夙。悲遐瞻憺。孤恧雙霍。闢鴻扉翠。碣三韓。矗
衆嶼。撒星洲。諸夷真荒服。負渺禪瀛神。鰲縮坤軸。
六足負空大。九首滯盈縮。萬里眉睫平。天風載黃鵠。
鞭塞唾祖龍。王郵趨鬼谷。夷亶不可求。疇將扣徐福。
勃澥刷春波。茲晨聊寓目。

版障嶺眺望

嶠嶺事征邁。幽期洽清歡。輿穿窈窕境。撰策清泠湍。
流泉瀉紅壁。白雲冒山冠。巘嶸攢秀黛。積谷遐考盤。
束來鬱波濤。恍披翠岱淵。岱淵既云邈。胡為矯奔騫。
迴溪落遠樹。高岑錯霞鮮。力憊不自任。躋凌浩軒軒。
天青鳥道絕。何繇覲喬佺。

望南雷懷謝居士遺塵

遺塵唐人隱于南雷。皮日休陸龜蒙俱有四
明山詩九首

居士青雲人。玄風邈難嗣。白日空山高。令人起遐思。
春花吹野桃。開落知何自。流泉日夜流。石壁桂不住。
深樾有啼猿。斯人渺何處。高吟皮陸詩。風吹響天際。

眺大蘭山遙寄劉仙伯常

名綱伯常字後漢下邳人。曾為上虞令。與妻

樊氏俱仙去

仙人劉伯常銅墨棄如徒。秉心事白君吐納授玄理。
煉石青霞區餐髓丹峯。東夫婦獲祕術魚獺相嬉戲。
昇仙謝喬枝。隨虎乃故履。事閔千秋往。烟跡垂外紀。
山遐白日曠。虬蜺駕誰駐。吾謠白雲章。憑風一相寄。
遙望樊榭。

樊夫人名雲翹劉網妻也同夫仙去故有樊

榭

雲翹有遺榭言寄五霞中五霞絢天地照耀金銀宮
日月飄珮縷步搖鳴天風虹蜺作高梁白榆樹前墉

粲粲啓玉齒言笑陪仙翁豈邀綠萼華相往邀空峒
或引董雙成騎鳳凌八鴻願言蜺九骨下汝以相從
颯然回風至眇眇空鴻濛

度錯愕嶺

錯愕復錯愕度之若升天居然蜀道險落在吾眼前
三上五迴顧十行九步顛捫雲手不定躋險脚在肩
峯欲壓面墮石疑撐背穿景竒心頗快路迫愁仍煎
前得平者笑後遭危者憐汗落不可掬息陰坐茫然

觀徐鳥巖瀑布

青晨理遙策白晝臨穹崖欽巖怖鬼膽鬱律相喧逐

無風急颺雨潛壑奔晴雷詫目銀漢瀉心驚摧素麾
涼雪朱明濺截水墮寒威忘疲強臨瞰劇恐神理違
戰欽慄股墜臨深誠堂垂幽貞神明持庶與同心偕

游隱潭作

籃輿渺何適觀覽曠茲野山川豁鴻濛幽深恣飄灑
下蹊塹清絕高崖瀑堪把仰睇白雪搖光晴奪流馬
吹爽毛髮寒涼薦未云罷蒼旻下高春且復緩征駕
潛中神物靈誠唾勿譙訝欽欽君子德貞慎理難舍
諒與子同懷虛襟湛無滓

登妙高臺遠矚

西陟何崔嵬崇基夙層構白雲蕩空階紅壁射高溜
萬嶺盤閘蛟中區顯孤秀五色紛以披春陽逗雲岫
陰霾開昨寒迫澗迴今晝田霞畊阪疊溪霜響林漱
西教肅瞿雲猗猛馴山獸藤結秋幹龕錫鳴秋水甃
乃茲荒穢場蒼莽穴鼯馳坐以息紛拏內典竟淵究
神理當自超局影多癡垢眺望遙峯長茲心敢終負
荆溪夜行呈朱邦憲

夜向荆溪行快景獻竒絕長風吹巨野明月照積雪
山下多人家遠火遍明滅禿樹怒杈柯脩堦罷凹凸
鳥宿一鷺飛爭枝遠投別舟行觸破冰水響鳴碎鐵

豐樂堂詩選 卷三 十三
更深復雨霜寒重鼓聲咽同行愛朱生坐戀清光切
擊節按長誥把酒氣掀揭風迴燭影斜照見腰間玦
詩成讀千過欲和慚薄劣

樵李道中

憶昔出門時明月猶滿天倏焉及茲夕遙遙尚孤騫
畏途豈云遠舟楫理莫前兩日不百里無旬未能千
陸行畏虎及川行懼蛟纏侵晨露微白褰裳涉清漣
白日照四野遙望孤墟烟高風振鳴條惻惻形影憐
倉皇宿野水更長永如年星月爛不曙雞犬亦杳然
因念雲間去新月當再弦人生能幾何憂煩苦相煎

駕言沽美酒聊醉成安眠

雲間沈大參園晚齋主人携酒作

晚色溪上佳水氣射日脚澄影澹空臺長虹貫飛閣
斜照濕光浮踈楊染難著大夏炎景銷高樓薄寒作
興遠懷佳人冥心俯寥廓佳人具盤飧有酒且斟酌
羈旅幸同袍把臂忻大嚼永謝世路塵際此林中樂
天地枕席間四大頗舛落醒能述以文吾儕本丘壑
為王青州元美進士敬美題雜資園

大夫何委蛇挂冠亦已早種豈歸南山幽懷不可道
家住古婁東江城四週抱曠然營一丘盤桓足投老

荷鉏理中園。日夕雜惡草。惡草日已除。蕙菝日以好。
 花木秀扶疎。林塘苑寒燠。緗帙散高堂。玄風肆窮討。
 入眼無葦菹。慧心吐芳藻。伯仲機與雲。玄珠儼希寶。
 海內多良朋。問字時一造。歡然動杯酌。白日下蒼昊。

徐記室新居記事

居成故人來。一宿逾十日。堂寢足盤桓。高齋取容膝。
 墻南花木深。西隣竹影密。圍曠清池雙。林深小樓一。
 念我湖海交。于君頗親暱。網魚供壺觴。取適弄琴瑟。
 買舟出東門。去尋神禹穴。明旦上蘭亭。命駕覓傳匹。
 謂余居雖小。幸足藏蹇拙。白日傲羲皇。閉門謝俗轍。

置酒_石以勸余。日日余將發。西行當東歸。還弄邪溪月。

遊北溪古社社前松栢俱數百年物友人携酒

至酌魏娘墓上

清秋風日佳。招尋多素侶。謂余黟溪北。乃有千年樹。
 老栢皮已死。蒼鬱含涼雨。高松大三圍。如龍蓋溪水。
 携尊就荒墻。美人呼不起。微風動松濤。斜陽雜山紫。
 滴酒酹陳人。陳人應有耳。芳魂解勸儂。醉宿空齋裏。

裕溪河口出大江對梁山作

大江自開闢。萬水知所歸。茫茫去不返。滄海以為期。
 雖勤帝禹力。詎非天吳司。達士俯觀化。惻惻令心悲。

吳楚割星紀南北垂坤維山川各異域天地均無私
然犀照牛渚渡馬喧龍飛江介勢衝阨雲中樹參差
緬懷千禩上英雄竟誰竒行役赧白首無官復何之
極眺新林浦眷然傷所思邈哉宣城作高詠良可師
淮上送魏季朗還吳

美人何方來言從豐沛返方舟下黃河淮泗水維緩
茲郡韓侯鄉蒼茫海雲滿高城荒古祠水深釣絲短
感慨英雄人躊躇復悽惋值茲太守賢設醴肅賓館
布衣十日歎八公小山伴旦日君先發揚帆大雲斷
遙遙吳會天矯矯霜鴻遠嗟彼同心人清商激哀管
撫絃不忍彈目送停雲晚

淮上送別孫兆孺

天地曠不接雲水紛相邁人生錯其中車轍轉昏晝
勗哉孫子荆才德璫璵茂琅琅大國珍神交良已舊
君沉洞庭波余遵曲江右彌旬萍梗歡四軌江淮轉
申章敘綢繆古誼良所厚會合誠獨難乖違一何驟
明發戒前途長風吹馬後餞子盈觴酒請為余三覆
東西南北人勿使風塵垢

淮上歲晏書懷分盡字

憶昨去家時庭芳發紅槿客路曾幾何涼風忽悽緊

素雪被空郊荒城萬黃隕鴻鴈哀以翔高天擊孤隼
四感疚我心一塗信難忍河清疇能俟蒼髮不再鬢
展茲惟燕嘉笑樂良已輾醇酎君莫辭能令百憂盡
登高聊當歸行將指南軫

淮上留別張羽王司理

君本青雲人排翮秋旻上天風忽中微茫茫墮塵網
世路雖泥塗疇能遏流響幸然相遘之明心以相往
素業燦縹緗高風被霄壤白雪在朱絃冷冷振林莽
大雅不淪亡吾曹獲真賞丹晤不可期一別空悽愴
託彼蒼梧雲飄飄寄遐想贈我明月珠寒光照人朗

留別陳淮安王叔太守

疇昔志四方窮年討經術束身君子林庶秉哲士率
騷壇早橫鸞矯爾青雲質皓首空山阿退畊不自力
徒興壯士懷妄矜老馬識南紀遍遊遨山川恣窮歷
閒弄青溪雲坐嘯長林石陳侯古淮陰褒然君大國
鱖生一過之握手明胷臆咄咄三月留枯楊轉春色
努力向明時勲名當特立嗟彼曹丘生游揚季君德
由揚至淮何鴻臚枉詩相眷賦答

愛君梅花館臨去不忍發美人垂棘姿娟娟媚寒月
照見雙鬢霜憐余將遠涉遠涉不可道無言心惓惓

曹聖朴詩選 卷三
嗟哉百年人誰獨能超越去去當復旋憑君慰饑渴
呂仲氏塞芳亭晚集得萬字

園色霽初尚羊破孤悶新綠驚已千明霞幻將萬
紅豔觸流波穠枝裊煙蔓鳥換不可名賞剝理無遜
弄酒杯酌深獨醒非所勸朋儔忻盡美加餐語溪飯
昨夜涼雨寬身飛夢猶健老至情轉親相逢謾相諱

遊寶巖寺

山口帶湖滙秋光媚行客高樹半青黃澄潭湛寒碧
一徑入逶迤荒林鐘磬僻紀寺屢廢興殘碑在東壁
因知蕭夫子乃是士穎跡空墳重千年但有荒苔色

回首問白雲何時再來得

齊女墩

齊門及虞山相對正百里上有齊女墳主之曰終纍
生當望其國死或安其夫塋畢化龍去此事知有無
在彼六合內吾論焉敢徒今已千百年高墳空嵯峨
秋風吹海月春雨生煙蘿偶爾一登眺青天柰人何

拜子游墓

肅拜空山秋却立門墻外松楸鬱崔嵬雲霞動餘慨
壯哉吳會區山海相控帶文學天性然猗歟仰千代
與黃山人孔昭林太守登卿登狼山支雲塔

古塔名支雲歲月卒未紀蒼莽見孤標直插青天裏
 山海擁金蓮乾坤落天柱四面剛風吹白日不得止
 俯視飛鳥背站站去如駛郡官破萬縉丹青煥如此
 秋光滿揚州曠然見千里雕甍觸落日丹檻吸溟滢
 脚下走魚龍眦前裂風雨吳楚幾大邦共此長江水
 陰氣青濛濛滄桑變無已回首問海若登臨復能幾
 青陽館賦喜雨得節字

高天曠無雲五月海田裂好雨東南來日夜不肯歇
 涼當紫棟風潤應黃梅節老農鼓缶譟南畝走相饁
 因之應有年更憶深冬雪

善德七年

已卯夏四月廿有七日客鹽官期與謝道化錢
 淵父釋戒襄觀海游秦駐山未發而語溪呂
 心文胡新之朱思緝至遂同往焉已而淵父
 邀諸公夜過天寧寺酌諸公過而淵父又以
 事往樵李矣不佞與諸公驩飲竟醉醒而迷
 之以貽諸公嗣響

鹽官古由拳山川負滄海同心夙所要結束赴觀采
 不速三人來合并殊有待良晤豈不奇歎咤誰所宰
 新隄矯長虹龍卧屹不改無風浪春天鴻濤從此滙
 扶桑挂眉睫蓬萊竟何在因嗤秦皇事防胡不防滙

遺廟落空山浮雲古今變我輩一登臨壯志豁磊磊
何以申雅懷錢卽治蔬蕙野寺足盤遊庭階肅蘭茝
無負秉燭期吾飲竟三倍天地皆主賓不醉將無乃
予游於吳令傅伯俊久將去歸復有延陵之役
賦詩叙別
綠樹正扶疎涼飈動秋氣越客思南歸何堪久留滯
旦暮懷遠途臨流需揭厲胡爲復前征名區引高睇
酌泉惠峯麓試履君山霽浮雲蕩我胸飛鳥決我背
領畧江介風鼓棹轉吳會是時黃菊衰霜前判君袂
頗有盈尊酒眷言酬夙契

再別伯俊

今夕良晏賞同此明月光江花耀朝日灼灼孤舟旁
相思渺河漢獨立徒悵惶涼風吹白露倏忽成嚴霜
青天各在望星斗空低昂言念携手好但信形骸忘
君方蒞巖邑兢兢守王章

秋分日同毛豹孫錢功父吳叔嘉集張孟彪仲
虎宅分時字

秋風吹庭樹明月來何時主人爵無筭客醉俱淋漓
夕陽半在戶照見瓊瓏枝我狂欲喚月月亦如有知
銀盤出海底爛然當南垂泠泠白露下最畏清尊歎

登吳江東寺方塔呈徐令公善長

江郭東浮屠蒼茫百里內
秋日登其顛俯見飛鳥背
鬱鬱萬家邑彌彌衆川瀝
閭井紛可數丘垤森若蝟
濛濛青浮煙乾坤古吳會
北望太湖水演漾玻璃碎
正當落日時黃金射天翠
去年風捲濤白浪包萬彙
漫然大壑平獨立唯此最
譬之鴻荒初物物皆草昧
餘民孰所拯僉言令公惠
今田匝四郊玉粒垂九穗
謳謔忘帝力夫乃羲皇輩
因思姑蘇臺視三百里外
儲材凡幾年吳王凡幾醉
不見越兵來空然插天際
借問湖上山青青為誰對

浮梁縣至祁門灘上作

浮梁楚地盡東北歿江介
山饒不凋木匪列松與檜
誰避惡溪名險攸突星瀨
十里無緩流千灘響遙籟
舴艋空蛇行梭穿靡擊汰
澄淵鏡百尺重扉扼諸隘
刺盪勦力罷日夕長年憊
雲搖水中白星挂帆前大
瞿塘誠象馬呂梁驚澎湃
想當春波漫垂堂亦宜戒
壤境接新都祁陽足襟帶

汪氏二仲携尊箕臺聽松醉
過嘯園看梅花作
千秋里中人三汪三謝似
愛客將尊壘逍遙赴山趾
箕踞長松下揮卮白雲裏
援翠浮杖頭寒濤洗人耳

謂言春草池梅花在流水
 殺齒高下鳴人影參差起
 迤邐遵西山逶迤陟東岵
 崇構帶曲房綠阿兼翠淡
 落日明高霞林端萬峯紫
 王人自夷猶不飲明佛理
 我欲勸古人古人今已矣
 攀條臨香風傾觴不能已
 瓊樹軒為吳伯期賦次父韻

瓊樹照春水白雲爭赫霞
 坐臨仙源上何異天台花
 我欲乘此去駕作貫月槎
 一尊各大醉高卧王孫家

吳無懷氏仲圭者入黃山采藥因得紫黃碧三
 蘭花寄聲乞詩因賦此篇報之

從君采藥歸始知黃山大
 黃山靡不有巨細罔內外

采藥兼采蘭即蘭凡幾種
 不見者勿言見者亦可痛
 紫碧與微黃令人驚且竦
 此君無懷氏出語諒非聳
 碧蘭固本色微黃實堪重
 况復紫芽香楚妃羞佩裳
 紫者倘紫宮黃者為娥皇
 東風弄異質麗日輝奇章
 昨逢郭道人云聞蜀僧說
 蜀有霧中山赤蘭紅茁茁
 其名曰冬蟬芳香酷而烈
 一枝馥數里馨風滿寒月
 復見王將軍曾持松潘節
 買歸費兼金兩歲乃凍殺
 君既得采歸驗言誠有之
 始知耳目小慕遠忘近茲
 又云有玉鳳得非黃蘭乎
 又聞有金蟬得非紫也夫
 不但揚蜀風亦頌慣駱雪
 天地不受寶在在奇芳發

可憐委深谷不待時采掇。譬之高貞者往往藏巖穴。
釣渭老姜公版築。賤傳說所願君相。明搜羅到窮髮。
固知王者香。播發永不絕。吾黨誠好士。吊詭而采奇。
因之賦短句。題曰三蘭。詩寄與無懷氏。好謝山靈私。

吳江客舍適戚少保見過喜而有作

秋霜落江楓。閉門守空巷。健步忽走謁。將軍實天降。
相迎且未揖。把手各問狀。見君須眉蒼。君喜我無恙。
忽忽十九年。中間坐浮詎。天地曠南北。彼此一惆悵。
書生氣不凋。將軍神獨王。飛馬逐流星。長風破高浪。
往事雖已然。來期尚堪暢。

豐對樓詩選目錄卷第四

五言古詩

夏夜

理髮

醉中自述

披雲閣對雨

聞仲連過高霞館

月榭小集

送君房箕仲長孺兼寄肩吾

懲忿詩

贈幽人

贈山人

夕發

送張貢士孺穀

送張任子孺登卒業南雍

耕陰

樂志詞

作空

蜡日後集司馬公園分入字

與高李二生晚步芙蓉江上

已亥十月十日舉孫牛郎志喜

題文太史松石圖楮本 有序

遲葉鄭朗高子高不至

荅坤公月夜見懷作 嗟嗟

荅杜蒼舒見寄

同汪仲淹方翁恬汪象先柴仲初聞仲連葉鄭

朗朗集楊伯翼滄洲草堂分落字

六傷詩

傷大司馬張公時徹

傷太僕卿沈公愷

傷馮山人子喬遷

傷徐方伯子與中行

傷朱太學邦憲察卿

傷沈太史君典懋學

山中人

寶陽篇

題画冊

題枯木竹石圖

書王長公元夢司寇

奉和葉茂長王太古留別贈言

哭吊呂太興心文 紀異寄五少宰

西川胡君出粟賑饑郡縣旌義方生乞詩賦贈

病述一 病言二首

二之日掃舍 晚登厲山作

錢子南孝廉招遊秀野園紀勝

五柳軒 茅棟漏徙牀不能定

竹林二首 樵歌

長林石几亭 寒芳亭

松月臺 有待軒

薔薇曲 經頂山

秦娥磧 不見

大樹陰 禦兒涇

斜林笛 淨妙鐘

入江浦縣東城外陳氏竹園

黃崖嶺 黃雪幕

梅花國 奧如室

淡妝工自理

豐對樓詩選卷第四

角句東沈明臣嘉則父著

從子沈九疇箕仲氏選

五言古詩

夏夜

夏夜衆苦短不寐嫌獨長攬衣起中夜明月低西方
 虛庭衆星朗漸覺迴風涼起傍嘉樹林淅淅聲在桑
 迴步虛庭中仰見銀河橫叶銀河隔牛女只尺徒相
 望誰能化雙翼飛作青天梁青天不可度涕泗沾衣

棠

理髮

理髮東軒下朝暎明素壁滿梳墮青絲間有一二白
大化無停機烏兔旋相織人生宇宙間豈能皆滿百
我生四十年百歲半已迫白髮固所宜何勞重嘆息
歎息復歎息中歲不聞道恐負架上書沒或同蔓草
開門對青山坐見庭柯老

醉中自述

余生乃孱弱性姿復寡昧讀書空山中時明拙無位
貧多湖海交老乏兒女輩落魄曾不憂踈狂笑難慧
逢人不善藏聞花輒思對五十餘七年皮骨頗憔悴
所秉微尚操屹屹不敢墜五日一洗沐十日一大醉
游戲污瀆中俯仰乾坤內何以答君親不負名教罪
裸葬學王孫逍遙亦何謂

披雲閣對雨

海雨到空山江雲住飛閣冥冥千樹寒蕭蕭四簷落
初鳴乍微細忽霽更寥廓所以達士觀臨風一為喙
聞仲連過高霞館

燦燦池上花苑苑城南柳嚶嚶春鳥鳴矯矯青雲友
杲杲丹霞樓湛湛綠罇酒相逢聊盡驩毋令皓吾首
月榭小集

素雪穠陰殿晴風蕩送天衆山銜金碧天地相澄鮮
瑤臺集賓從何異蓬壺仙對酒不盡醉颯颯空華顛
且訝君不見古墓犁為田俯瞰碧海色清淺誰為填
送君房箕仲長孺兼寄肩吾

同心今夜別相見何年月舉酒向君前欲言氣復結
氣結不可道愁心劇春草行行萬里途塵霜幾昏曉
努力事名勲貞心吾自保山中饒藥物無庸念枯稿
寄語舊所惟明德以為寶

懲忿詩

天地本高厚人情有恩仇胡為薄夫見錙銖等山丘
睚眦報乃已豈是寬身謀孔子憲昭訓厚德酬恩私
丈夫懷小忿何用叱咤為陳餘有微過甘受里吏笞
里吏不足死耳也桑間訾王孫辱胯下貴來反謝之
魯連萬夫長子房百世師國耻愧不雪世紛當解觴
小白讐九世無乃非王師忿訾不及我閉閣當自思

贈幽人

幽人履貞素結屋中條山雲霞日攬結流泉俯潺湲
灌木潤蒼靄春風吹草菅嚶嚶衆鳥語滿耳絃歌間
望見東海月遙遙照玄關良宵理絲竹心神曠而閒
天也亦土苴悲歎自循環人生上意可必凋朱顏

山中酒家近來往不復艱願息風塵駕篋子相盤桓
贈山人

雲卧三十年今始入城郭綠眉飄紫髯猶疑洒風壑
身著芙蓉裳爛然奪人目如坐煙嵐中滋滋浸春木
一見令人嗟再覩令人愕惘然朱塵中飛花任飄泊
安得與同游翱翔在寥廓

夕發

向夕發江舸坐聽水聲滑風高海日昏地凍野草殺
暝投漁家飯夜理故人札搔首寒燈下孤劍聊自拔
送張貢士孺毅

衆口鑠黃金積毀銷白骨黃河有清時渭水有時濁
市虎成三人投杼豈倉卒回生固拾煤竊斧疑當關
君今四海交勿易成吳越吳越弟兄親按劍投明月
是以管鮑心相照空毛髮願子崇明德跼結王生襪
去去萬里途執鞭逢明發

送張任子孺覺卒業南雍

條風灑膏雨春風濕波濤青陽動林末崇蘭被東臯
曜靈澹煙景綠水驕晴膏美人遊上國川陸鳴鞞軻
願言雙解佩贈子以遊遨雙珮光陸離固比君子操
上國故帝京觀閣何苒苒群雄集泥市齊齊咸俊髦

前脩有遺矩慎勿相武接
劓鬲立仰景林空恣翔翽
况子世胄胥麟角森鳳毛
譬登千仞岡順風彈雲璈
願保金玉軀明德躋崇高

積陰

積陰灑零雨空城杳行跡
鬻市絕薪橐山厨斷炊色
饑來唯枕肱宜搜疲典籍
慚非仲尼徒亦眉陳蔡阨
裹飯憐子桑黔婁棄嗟食
賴有絃歌聲猶然出金石

樂志詩

振袂擘煙霞舒嘯登丘隴
逍遙顧辟疆清曠伸長統
永締青山緣能專白雲寵
不知萬乘尊那憐九鼎重

作空

揭釜事長途空囊怯新桂
搏土作行厨携將負奴背
乞火向隣僧荒煙積寒翠
燒與紅葉宜靜許青山對
客子常畏人飽飯閉門睡
過逢倘吾徒炊黍堪一醉

蜡日後集司馬公園分入字

蜡日去未遥春光水先入
綠波蕩遠空晴漪媚寒日
梅色嬌向人柳條青欲濕
美人具旨酒朋儕偶紛集
取醉適所惟任情宜坐立
日夕未云疲登臨緩相及
與高李二生晚步芙蓉江上

勝侶多曠懷江臯躡斜照
波平風力微重山薄層耀

翠淡青黛濃雲霞綵杓冒嶮疊私謁分嶂攢晚容峭
帆去白已遐復近浦縈抱掩映眺難窮迴複景殊妙
淑曲龍九紆巒明水千澡長謠歸路遲煙蒼野生燒
何以寫清歡持醪遠相勞醉昵芙蓉花驕成美人笑
乙亥十月十日舉孫牛即志喜

汝翁既已衰汝父亦已壯舉孫當其時惟喜亮非誑
我父見背時未之識孫行幸乃見曾孫拜禰肅言狀
三日湯餅設桑弧桂門上願汝忘四方衰宗竢能亢
庶得委琴書富貴烏所望會令崇道術永言式昭曠

題文太史松石圖楮本

有序

此松石圖乃文太史筆絹素已為禡去而筆
力深入故精神墨氣獨留楮上也譬之粉本
然草草不經意處自有神妙者存大都古人
名賢所画墨色俱入絹縷精神迥出尋常使
它人為之粉墨俱浮惡得有此此為玉山程
孟孺所得索余題因系以詩

昨夜置牀頭颭颭風雨響朝來起披拂聲在越楮上
何物有此靈神竒豁心賞怪石踞老松蒼龍怒頭掌
諦視不敢言青天濺飛爽筆勢欲挐風墨痕似流蕩
手出太史文目力疲想像細素染何深縑禡此其倣

膚去裏猶全令人泚
盈穎山小不能移日月不可長
對此肌骨清空堂恣攀仰

逢葉鄭朗高子高不至

幽齋汎朝塵崇館紛書藹涼葉清已微
踈花落還在美人來不來搔首空相待
耿耿望河干青山在雲外
荅坤公月夜見懷之作

憶昨蕭寺遊此夕竟何夕
月白空山涼深松翠猶滴
塔影挂當庭鍾聲度虛壁
論詩復論禪手撫生公石
竭來思再往阻道不可得
十日雨不收長河渺天隔
一接道林詩快讀秋濤激
出門欲寄將瀾天濕雲黑

嗟嗟

嗟嗟東門吳其言乃至悲
深情不可寫反為達者詞
鼓盆訶故妻三匝號殤兒
何物無情甚兀然若枯枝

荅杜蒼舒見寄

西方有美人獨立世無偶
仙姿燦天葩璠璣耀前後
耳着雙明璫匳葉翠盈首
珍珠雜木難佩服瓊與玖
十三學組繡十四解歌舞
十五彈箜篌十六精樂府
幽貞未嫁人擇對良獨苦
鳳皇為蹇脩鴉鳥讒復阻
高樓終日居冰心向誰語
南山有高士乃是牧犢子
欲娶無良媒傷心對流水
忽當誰唯時相思劇春

兩一朝飛鳥音遺來白雲裏長品聽此音冷然金玉
只故知均天奏不入聾者耳我欲宣此曲空江月如
駛

同汪仲淹方翁恬汪象先柴仲初聞仲連葉鄭
朗集楊伯翼滄洲草堂分落字

遠客自天都尋仙到三霍海色濺春袍潮痕清芒屨
昨過官奴城坐卧湖上閣兩氣寒未踈言尋故人酌
善病輟深卮醒然理諧謔笑指暮霞高坐見庭花落
客辭酬獻頻主謝尊疊薄何以娛廣筵清謳佐杯杓
丙夜未云已歸來罷宵柝

六傷詩

傷大司馬張公時徹

司馬真偉人徒步起東海敷歷二十年風聲溢所在
鬢髮已懸車騷壇建旂彩龍門迥寥廓下士藉搜採
素車哭夜臺鴻名待天改

傷太僕卿沈公愷

罔卿事樵釣聲華震南國清操晚益堅雄文遠彌服
正笏參大藩急流退長谷峰泖增秀采儒林寶龜王
生被三錫榮循墻畏優渥

傷馮山人子喬遷

漢代淮野王匡裔子喬氏博洽繼高風詩文亦宏肆
春園載酒過門人問竒字酒德劉伯倫五斗與妻誓
解醒復鯨吞于鬣戟而刺一死家遂零寒茅掩江滢

傷徐方伯子與中行

吳興嘉山水天目兼具區偉長生其中至寶珍璠璣
建安七子輩力戰相馳驅鴻名流大海純德無瑕瑜
一官久牢落方岳登晚途豐城收劍氣斯人與之俱
寂寞千載後吾道夫何如

傷朱太學邦憲察卿

朱生魯朱家任俠蓋濁世雄文祖班馬真賞呼雌霓

交遊傾海宇行輩遵信義飲德稱酒名父號循吏
一朝赴冥府典詞命上帝苦遜雅友生謂予乃其庶
君乎帝不舍予也天所棄白髮空首首後死過十禩
念君無已時青天迸雙淚

傷沈太史君典懋學

玄暉守宣城流風被千載莪莪敬亭山古黛青不改
宛溪流獨長千里始到海沈生山水秀鐘靈乃其殆
天人仲舒策一第詎云大屹立鴛鴦班危論慄鼎鼐
涌流一楫退高翔千仞綵柰何不慙遺薤露詞空味

山中人

我愛山中人不識，城府日飢青精飯，醉劈紫麟脯。
名山尋洞壑，好水憇州許，為漁不垂竿，為樵不腰斧。
日月跳兩丸，乾坤一今古，春但采松花，釀酒不用醑。
秋唯殮菊英，餌藥不用譜，何必羨桃源，太樸不椎魯。
何必慕松喬，恬澹無辛苦，自然盡天年，十百千萬數。
我生恨隔壤，未得親老圃，題詩寄披誦，聊充鼓吹部。

寶陽篇

金丹不可煉，煉之唯一元，葆精閉重扉，毋使陽獨翻。
明珠永不蝕，丹玉常居尊，養此不壞寶，一一內境存。
玄之又玄者，夫乃衆妙門，空山弄瓦竈，中天坐崑崙。

至寶豈外索，請自丹田論

題画册

勝國雲林生曠達，天下士筆勢無古人，逍遙絕塵滓。
畧約寫山水，老樹空亭子，殘山青欲無，片石寒且止。
意遠趣莫窮，令人喜無已，俗調何可諧，常從白雲逝。

題枯木竹石圖

瘦石如古鐵，老竹生寒香，相依又牙樹，不知歲月長。
柰何白足僧，筆底拈風霜，對月一吟弄，洗得塵心涼。
壽王長公元美司寇

大吳王司寇登桂神武冠，三詔乃不起，高卧東山豎。

閉關煉金骨萬事俱漠然口誦妙法經手註五千言
文章絢宇宙碧海翻紫瀾升天固自易為佛良不難
娑婆琉璃地香風溢幢幡懽喜無量壽天花曼旃檀
無上菩提心無量劫中看仙人供新果來獻七珍盤
龍宮自涌出共詣靈鷲山

奉和葉茂長王太古留別贈言

秋風厲高翻歷歷摩穹蒼閔浙漸蕭瑟百卉淒寒霜
豈不念吳會湖海儲靈祥哲侯秉遠尚詞客趨四方
常帶抗纓冕高議翔巖廊葉舒梁溪彥正野鄣郡良
削牘鳴雅道矢口呈琳琅兩生各奮筆獎我瑤華章

鏗鏘奏金石綢繆意何長言念各分手日夕還故鄉
故鄉東西隔涕泗空沾裳所要在忠信皓首當勿忘
哭吊呂泰輿心文

與君平生交友道頗不辱君也赴黃泉經歲始一哭
埃塵漫薰幃蛛絲罥華屋心傷山陽笛酸鼻蒿里曲
嗣子三尺孤遺經稍能讀庶幾有遠志門戶得以續
拭我盈眶淚轉嘆以相勗

紀異寄五少宰

丁亥秋七月颶風倏兩作祗隔旬日餘何以勝此惡
不獨風太顛兼之雨如瀑坤軸齧背歌天河水維薄

力能沸四海勢欲摧五嶽高樹崩危湍平陸沉巨壑
飄尾落輕花頽垣墮殘籜長平坑已深昆陽戰如昨
山林木拔盡原隰花零落萬有無毫存百穀鮮一獲
魚鱉遍溪山波濤卷城郭莫云儲稻梁誰能飽藜藿
常深漆室膠難解杞人縛題詩寄少宰廟畧當展拓
毋令聖人憂東顧宜有托

西川胡君出粟賑饑郡縣旌義方生乞詩賦贈
漢家惟卜式高誼薄雲天武帝憂天下分家半助邊
寂寥千載後誰復似其賢萬曆壬午聖堯湯水旱年
生民多餓殍海宇半顛連濟衆天恩溥田租幸免蠲

時惟光祿某二萬喜輕捐先此穆負外曾輸白鏹千
義聲喧宇內天子為乾乾我聞胡居士聞風竊慕焉
有司勤勸借應命即周旋平糶周閭里捐訾具粥饘
翳桑無病瘠枯槁藉生全白骨辭螻蟻渠齒免啄鳶
仁人為郡縣厲俗擅機權勸一真懲百風聲足播宣
因之章物采華扁照棖椽視彼高封廩區區但守錢
曾無汗顏者於此辨媼妍不肖賢相去天淵詎不然

病述一

七十老亞父憤懣疽發背道至彭城死千載足涕淚
吾生憤懣深無從洩其穢我丁戊子年豈是龍蛇歲

一疽發左肩右復與之對遽際而戚施痛絕不可治
蚊氓山負背螳螂輒當臂瘍師五六人治法頗狼狽
幸得劉與汪兩人功不細采藥深山中劉喬有開濟
靈草攻破毒膿血注盈器如此十日餘右者復鼓鑄
喬亦莫措手汪生乃施伎下泉使上涌亦復向東注
初亦試剖剝皮厚刀不利日夕坐針氈卧起幾昏迷
淋漓膿血腥量以斗升計官刑五毒慘地獄剉燒具
天怒劇奔騰一時不肯霽一月餘十朝思之反長涕
不任湯藥資日勤醫師費囊空淨如洗貧乏誰與議
參芪等黃金糜肉埒珠貝窮搜及簪珥妻妾髻如禿

琴書幸無恙狼籍几案潤塵厚風不掃隙深月可掇
吳天龜國長越地龍海絕雲容浩無津煙濤杳難截
秦花沉仙源漢樹浮帝闕重披舊河山再覩新日月
儒術本踈陋曝日被短褐背時有遐思欲薦九重熱
自咲迂復迂不若安蹇劣窮簷化日短憂心復啜啜

病言三首

鼎鼎百年內歡樂能幾朝情悰苦不任人事阻多撓
冥心付造化生死皆逍遙
死為南面王莊語固云達曠哉有至理一息萬務歇
恬哉養吾神漠漠熙然悅

曹聖相詩選 卷四
病死以藥救藥對病可活神哉醫王力似與天命奪
嗟嗟脩短間神人詎能脫

二之日掃舍

病夫久卧蓐頗嫌筋力謝起坐復起行忻晝不忻夜
何以佐老驩新歲聊掃舍壁塵如挂珠窓網密布罅
拂去稍清淨焚香理書架病骨恣逍遙似囚逢帝赦

晚登厲山作

落日登崇丘黯黯赴暝色蒼茫故人遠倏忽幽明隔
萬務不可知陰陽自推移達人炳明照義命安所疑
涼風吹素髮杖屨吾隨之

錢子南孝廉招遊秀野園紀勝

錢郎別已久尊壘勞遠携雙柴赴滄洲楊柳沿舊溪
佳園信窈窕白日令人迷桂樹靄深翠柏廊慢青綈
虛窓漾天影春波卧鳧鷖四座蔭喬木高簷挂虹霓
踈雨點客袂涼風吹大隄夷猶足燕賞沉吟故時題
所適良已快不知冥色低

五柳軒

陶公既已遠誰復種五柳有此五柳軒日可飲一斗
取我頭上巾借君漉新酒醉來我且眠巾仍裹吾首
世人不肯閒尺向塵中走

茅棟漏徙牀不能定

七月二十二日夜

茅棟二百年傳予逮五世間雖稍葺理物久自應敝
尾落鴛央飛梁欹節枕廢外危或可睹內漏不勝計
秋高風雨橫點滴俱在背一牀四五徙徙處無乾地
琴書盡點澆罇壘多垢膩塵侵面目黑滯瀾衾凋棄
視天頑且冥入暮劇轉厲童子忻無知走水反成戲
傳云古岸沒復報崩崖墜若海瀾千狂盤渦泡萬沸
浮來山中物箱篋兼椽柱貪婪恣取材狼藉紛挂樹
屈指五日前鹹濤撼天際海所不及殺復為兩師忌
嗟嗟東南郡山海稱奧處惟此大不祥天胡殺之易

聖德良不虧夫乃小民罪有口不敢陳恐遭杖下斃

竹林二首

蕭蕭竹林下聊以娛永日片石漫青苔坐卧有餘佚
起行捉落花輕風吹入室

蕭蕭竹林下聊為清夜娛涼風吹北戶明月生前除
有酒且斟酌仰看青天虛

樵歌

白雲在山腰落日到谷口采樵人欲歸長歌向高柳
借問此為誰青山曰吾友

長林石儿亭

以下五首為呂心文作

長林空亭中石几淨如玉
白日浣清風蕭蕭萬竿竹
靜晤者為誰披雲坦其腹

塞芳亭

獨立塞眾芳春風滿吾手
白日倏以馳青山坐應久
莫惜離披時空然回皓首

松月臺

高臺迥且空宜松復宜月
我者曾請之松頭積殘雪
醉起踏蒼苔寒風碎如鐵

有待軒

待花花欲開待月月欲上
待客客未來何由豁心賞

青天流片雲深杯落吾掌

薔薇曲

曲徑何逶迤薔薇作青鎖
美人摘花戲玉釵肯還鞞
胡蝶舞雙雙飛來美人髻

經頂山

寒松韻空山老樹撐白日
春風一月來此地轉蕭瑟
唯有獨遊人萬事皆可畢

秦娥磧

空巖無人聲高磧急飛瀑
坐撫江北山脩眉淡青玉
海氣半欲收松頭見天綠

不見

不見浣紗人空留浣紗石石邊春草痕應是羅裙色
春風知不知年年吹草碧

大樹陰

以下共四首為郭舜舉作

里中多大樹百圍能蔽牛不是樗與櫟九夏清如秋
我欲借一榻復向溪水頭

禦兒涇

明月照地白越王戰勝處流水鳴咽聲恐是吳人語
千載怨應銷漁舟唱歌去

斜林笛

僧指牛眠地斜林成古坵夕陽吹笛去牛背穩如舟
天高野自曠草色空千秋

淨妙鐘

郭村淨妙寺墟煙相早晚晚日下牛羊早時上田坂
撫枕聽鐘聲家家起炊飯

入江浦縣東城外陳氏竹園

偶然入深竹竟日無人聲欲借此中住不堪通姓名
環迴溪水綠忽有白雲生

黃崖嶺

白雲舒輕帷主嶂羅重闕曠然出谷口望見江南山

洗眼逢故人白然開咲顏

黃雪幕

香雪疊微黃披帷儼成屋春暮起涼風日吹天氣綠
使我玉山顏薔薇架如幄

梅花國

嘗聞大庾嶺稱作梅花國花時屢夢游如身置其側
不意今日來在君谷水口萬樹著寒香千枝帶瓊玖
上有百尺臺凌風出高柳安得宋廣平賦君調羹手

奧如室

密室稱奧如深深翠微裏焚香讀素書高枕聽谷雨

居此者為誰今之陸内史

淡妝工自理

高樓有佳人淡妝工自理綠髻寶釵指素面粉澤洗
稍當大秦珠寒光白逾耳下體垂素裳飾身非敗紫
纖手鳴玉琴絃絃應山水日夜弄寒梭札札響機杼
空房逾二十選嫁妾知己夫婿托終身因媒通戚里
初嫁頗眷愛被我以錦綺惠顧恐不終妾心痛無已
常自省愆尤何德縻君子

豐對樓詩選卷第四



